

## أساسيات الطريق إلى الله

الدرس (5) قصة توبة قاتل أمه



م /علاء حامد فريق التفريغات

## قصة توبه قاتل أمه

الحمدُلله وأشهد أن لا إله إلا الله وحدهُ لا شريك له وأشهد أن محمداً عبدهُ ورسوله صلى الله عليه وسلم أما بعد كان هُناك أحد الدعاةِ إلى الله سبحانهُ وتعالى هو رجل من أفاضل الدعاة من الصالحين قُدِّر عليه أن يُبتلى ب يعني إضطهادات أمنية فيها مضى وكان قَدّره إن هو بيتسجن كتير وكان دايمًا بيعتقلوه يعنى سياسياً ، المعتقل السياسي أحياناً بيحبوا يعملوا معاه واجب قوي بيحطوه مع المحكوم عليهم بالإعدام في العنبر الكبير بتاع الناس المحكوم عليها بالإعدام يخليه يقعد معاهم بقى علشان يعيش حالات الرعب اللي موجوده في العنابر دي فربنا يقدّر إن أحد الدعاة يكون ربنا قدّر عليه إن هو دايماً كل ما بيحبسوه بيودوه عند عنبر الإعدام فرأى العجائب وكان سبب في هداية ناس كتيرة جداً ورأى في هذه العنابر الحياة الحقيقية ،ورأى هُناك نهاذج عجيبه من التائبين والعُباد والصالحين وحفَظَت القرءان والبكّائين كل ده فِ عنبر الإعدام وشاف هُناك حياه لم يرها بين الناس مُجتمع تاني خالص إسمه عنابر الإعدام الناس اللي لابسه البدل الحمرا هو عايش معاهم وأجمل شيء إن هو لما خرج يعنى حكى هذه القصص فأحد الأفاضل جمعها في مؤلف طيب سماه عنبر الحياة كان إسمه الإعدام وبعد كده خلى إسمه إيه عنبر الحياة جمعت إيه قصص رائعه جداً قصص أي حد عايز يتوب إلى الله تكفيه هذه القصص قصص المحكوم عليهم بالإعدام ترى فيها سعة رحمة الله چل وعلا وترى فيه أن لا يأس مع الله سُبحانه وتعالى وترى أنه مهما عظم الذنب فرحمة الله أوسع وترى آثار الصدق وآثار اليقين في الله چل وعلا وترى فيها آثار إسم الله الغفار ،الستير ،الحليم ،الكريم في هؤلاء، جرائم لا يمكن للإنسان أن يتخيلها يعنى الشيخ بيحكي في أول جريمة يحكيها يقول هي أبشع جريمة شهدتها الإسكندرية وهي جريمة وقعت في منطقة محرم بيه ما هو أكبر ذنب ممكن أن تتخيله في حياتك؟ أكبر ذنب! إيه هو أكبر ذنب؟ بعد الكُفر يعني إحنا ما بنتكلمش في الكُفر المحكوم عليهم بالإعدام في جريمة قتل

→ ماهي أبشع جريمة قتل ممكن أن تتخيلها ؟ أن يقتل الرجل من أحسن إليه مش كده طب ما هو أشدُ هذه الأنواع بشاعةٍ ؟ أن يقتل الرجل أُمَّه هذا رجل قتل أُمَّه بس قتلها ليه؟ قتلها لأنها كانت رافضه إن هو يتجوز واحده إسرائيلية يعني أصلاً الموضوع إيه ؟ في موضوع تاني إللي هو كان ضايع مش موجود وكان بيحب واحده يهودية وكان عايز يتجوزها ف أمَّه رافضه إن هو يتزوج الإسرائيلية فقتل أمَّه حتى يتزوج الفتاة الإسرائيلية لكنه لم يُمهل قُبض عليه وإتحبس في سجن محرم بيه المهم إن الداعيه الطيب دوت إتحبس برضو، فقابل الشاب دوت وكان هو قارئ عنه أصلاً في الجرايد كان قارئ الجريمة دي في الجرايد فلما قابله سلم عليه وقعد معاه وسمع قصته وقال له إن هو عارفه كويس فالولد باين عليه أمارات الندم والألم والبكاء فقال له يا شيخ هل لي من توبةٍ؟ يعني هل يمكن ربنا يتوب عليا أنا وقد قتلت أمي؟ لا يوجد ذنب أفظع من هذا ابن عباس يا إخواني رضي الله عنه كان يأتيه الرجل الذي قتل فيقول يا ابن عباس هل لي من توبة؟ فيسكت ابن عباس ولا يتكلم مش عارف يقوله إيه يقول قتلت نفس هل لي من توبة فيُعرض عنه حتى يمضي الرجل حزيناً لم يجد جواباً عند ابن عباس فابن عباس يقول يا فلان هل لك من أم؟ يقول نعم لي أم قال أحسن إليها وبرها فلعل الله أن يغفر لك فقيل له يا ابن عباس ليه؟ يعني قلت له دي بالذات

## قال لا اعلم طاعةً هي أعظم من بِر الأُم فلعل هذه الطاعة تُكافئ هذه المعصية

طب اللي قتل أمّه بقى إيه الوضع؟ ده قاتل الأم نفسها ده هو الحل في اللي قاتل أن يبرّ الإيه ؟ الأم فبالك من قتل الام دخل على الشيخ بيقول له أنا قتلتُ أُمي إيه الحل معايا؟ هل في حل؟ هل لي من توبة؟ فالشيخ بقى هنا تظهر ثمرات العلم أي حد فينا لو جاء له واحد قال له قتلتُ أمي كان يعرض عنه ويسبه ويلعنه ويشتمه ويقول له إنت مش هتورد على جنة أبداً لكن هنا بقى العلم قال له ومن يحول بينك وبين التوبة ؟ يعني كما قال الأول ومن يحول بينك وبين التوبة

ثم قرأ عليه قول الله تعالي (قُل يا عبادي الذين أسر فوا على أنفسهم لا تقنطوا من رحمة الله إن الله يغفرُ الذنوب جميعاً إنه هو الغفور الرحيم) وهذه أول وقفة إن الإنسان إذا وفِّق إلى شخص عنده علم وعنده رفق فإن الله تعالى يكون هذه أول علامات القبول وفقك أصلاً لمن يدلك على الطريق ولولا أن الله يُريدك ما دلك على الطريق إذا أتى الله بك إلى المسجد فأعلم أن هذا من علامات رضاه عنك لأنه لو لم يرضى عنك لما هداك إلى ذلك لو رأيت أن الله وفقك إلى الصلاة وفقك إلى التوبة وفقك إلى إستغفار فأعلم أنه يُريدك لذلك


قال بعض السلف إذا إني أعلم متى يتوب الله على. قالوا متى؟ قال إذا وفقني إلى الإستغفار فإنه لا يُمكن أن يوفقني إلى الإستغفار إلا وهو يُريد أن يتوب علي

طب وفقني ليه؟ لو لا يُريدني لما وفقني إلى الاستغفار فأول ما بلاقي نفسي مُيسر لي الأعمال الصالحة أعرف إن ربنا هيقبلني إن شاء الله فهذا أول الطريق إن ربنا هيوقعه في إيه؟ أو ربنا هداه في الإيه ؟ للشخص دوت ، ده بيفكرنا بقاتل مائة نفس إنه لما وقع الأول ؟ في رجل جاهل عابد قال له هل لي من توبة ؟ قال ليس لك توبه فقتله فأكمل به المائة وبعد كده يَدُل علي عالم فيقول هل في من توبة ؟ فيقول له من الذي يحول بينك وبين التوبه ؟ فهذا الرجل فتح له الباب لازم فيه توبة يعني إيه مفيش توبة إزاي يعني فتهلّل وجهه بيقول لك الولد وجهه نور كان مش مصدق إن في حد ممكن يفتح له الباب هو ما بيشوفش شيوخ أبداً هو اللي بيشوفهم كلهم مجرمين زيه ما صدق لقي واحد يعني مُلتحي واحد شكله رجل صالح شكله من الدعاة قال له إلحقني يُقال له لك توبه قال فتهلل وجهه قال أكْثِر من الدعاء لأمك والاستغفار لها فلعل دعائك واستغفارك يعني يجعل هذا شفاعة لك يوم القيامة فإذا إلتقيتم يوم تعفو عنك ،المهم بيقول إفترقنا وسيبنا القسم وكل واحد راح لحاله بعد كده ربنا قدّر إن أنا أروح إيه؟ أروح المعتقل عملوا معاه واجب جامد طلعوه من القسم على المعتقل وفي المعتقل حطوه ف عنبر الاعدام فقابل الشخص ده تاني

. فأول ما الشخص ده شافه فرح جداً قال هل تذكرني قال نعم أذكرك جيداً أذكرك جيداً أذكرك جيداً وبعد كده قال له أنت الذي فتحت لي أبواب الرحمة أنت الذي فتحت لي أبواب الرحمة أبشرك أني منذ تركتُك وأنا مواظبٌ على الذِّكْر وعلى الصلاة وعلى الدعاء لأمي لم أقطع عن ذلك أبداً عسى الله أن يغفر لي وهذا يدلك على

→ مسألة تانية وهي أن التوبة من شُروطها أن تكون صادق فيها ليس الشأن إنك إنت تروح تسأل الشيخ في ذنبك وتقول له هل لي من توبة ما كتير جداً بيعملوا كده كتير جداً يقول لك الشيخ نِفسي أبقي كويس نفسي أتوب نفسي أرجع لربنا إمتى الواحد يلتزم بقى ويبقى كويس إن شاء الله بعد الإمتحانات هتلاقيني معاك بص ياشيخ أنا خلاص زهقت من الذنوب دي والحياه دي ومن القرف دوت أنا عايز أبقى كويس نفسي أبقى زيكم كتير تسمع الكلام ده. كتير جداً لكن واحد في الميه اللي تلاقيه في الآخر معاك طب فين التسعة وتسعين واحد ليس عندهم صِدق ولو صدقوا لكان خير لهم إن تصدُّق الله يصدُّقُك بيقول عايز أتوب وربنا مبيو فقنيش إن تَصْدق يصدُقك الله إنك لست بصادق إنت عاوز تتوب بالكلام، لكن جُواك ما زالت نَفسُك تحن إلي الذنوب والمعاصي وشايف إن الطريق طويل وصعب وربنا غفور رحيم وإيه المشكلة يعني؟ المهم إن أنا نيتي كويسه ، واضح إنك مش محروق أصلاً ولا تعبان ولا ندمان وإنك إنت عايز تعيش كده مجرد أماني فيخشي الإنسان دوت يُفاجئ يوم القيامة يقال له (وغرتكم الأماني حتى جاء أمر الله وغركم بالله الغرور) الصادق بيبان الصادق يا اخواني شُعله تحترق. أول مبيبداً مبيوقفش بيستمر للنهاية شوفوا هو شاف الشيخ مرة واحدة بس ومن ساعتها بيخالط مُجرمين بس من ساعة ما سابه ورغم ذلك لم يُغيره شيء بمجرد إن الرجل ده فتحله الباب بس إنطلق وهذا يدل على صِدْقه في التوبة كان الشيخ بيقول رأيته محافظ على قراءة القرءان بيقول تابعته إكتشفت أنه يختم كل سبعة أيام يختم القرءان وكان مُسارعاً في الخيرات وكان حريصاً على





خير مما كان قبل التوبة وأن تظهر عليه الأمارات والعلامات مش يبين عليك إنك ربيت دقنك! سهله دقنك مش محتاجه شهر، شهرين هتلاقيها بقت أد كده


مش يبين عليك إنك ربيت دقنك! سهله دقنك مش محتاجه شهر ،شهرين هتلاقيها بقت اد كده مش هيي دي بس العلامة. العلامة تبان في سلوكك ، في أخلاقك ، في أحلامك ، في خواطرك ، تصوراتك ، كلامك مع الناس المواضيع اللي إنت بتفتحها مع الناس ، في واحد بعد ما تاب لسه هو هو نفس النوم نفس الأكل ،نفس الشرب ،نفس أصحابه ،نفس طريقة كلامه ،هو عمل تعديلات بسيطه كده بس ،بيصلي جماعه اه ماشي كويس ،بيسمع درس درسين ، يحفظ قرءان لكن مفيش حاجه حقيقية إتغيرت لسه سلوكه هو هو لسه الأخلاق هي هي ، لسه صحابه هما ،كمن مفيش حاجه هو لسه برده بيعمل نفس المشاكل اللي بيعملها تغير مش واضح ،فده يدل إنه إن لو كان في توبة فهي توبه ضعيفة قد لا تليق بقدر الذنوب التي وقع فيها ،فلازم يبان عليك إنك فعلاً محترق من الداخل ،عازم علي أن تمحق جميع السيئات الماضيه

(إتبع السيئة الحسنة تمحها) فالتائب ده بتلاقيه قطر في الحسنات زي ما كان قطر في السيئات، إنت كنت مجتهد جداً في السيئات، إشمعنا بقا لما جيت تتوب بقيت كسلان وبقي عندك كل الأعذار، معلش ياشيخ أنا عندي ظروف أصل أنا كسلان أصل عندي مواعيد بالرغم إن إنت كنت أيام الذنب مش بتعتذر أبداً، لا تعتذر عن يوم كوره ولا سجاير ولا بنات كل ده كنت بتوفي فيه حق التوفية ، لكن لما إلتزمت بدأ الموضوع يحصل فيه أعطال ومشاكل وظروف أصل اه تمام

العميلة ريحت لكن ده إنطلق؛ قاتل أمّه تخيل واحد قاتل أمّه تحول لشخص يختم كل سبع أيام، المهم الشيخ قال له أدلك علي حاجه تنفع بيها أمك قال إحفظ القرءان فإن النبي عليه الصلاة والسلام أخبر أنه من يحفظ القرءان فإنه يكسي والداه حُلة الكرامه، تاج الوقار يوم القيامة الراجل مصدقش قاله الكلام ده صح قاله صح يعني يوم القيامة أبويا وأمي ياخدوا حلة الكرامه وتاج الوقار قال له ياخدوا تاج الوقار قال له بس بس كده! قال له ليك عليا إن أنا بإذن الله أستعين بالله وأحفظ القرءان وبالفعل بدأ صاحبنا دوت يحفظ القرءان وكان من المسارعين في ذلك قال فكان يحفظ في اليوم الواحد الربع والربعين من القرءان وكان يُسمعها غيباً وهو لابس بدلة الإعدام البدل الحمره يحفظ القرءان كان يحفظ في اليوم ربعين رغم أن تجد الآن التائب منا أحسن حالاً يحفظ ربعين ربع في الإسبوع رغم إن عندنا وقت ، ماعندك مشاغل للدرجادي وده شخص بيحفظ ربعين في اليوم الواحد بيقولوا

بعد كده بدأ يخلي الناس اللي بتزوره يجيبوله كُتب، كُتب في العقيدة ،كُتب في السيره ،كُتب في الفقه ، طب إنت بتتعلم العلم ده ليه ؟ شرف العلم العمل الصالح سمع عن فضل طلب العلم حتى لو هموت بكره إيه المانع إني أطلب علم هو أنا بطلب علم ممكن معملش بيه لكن يكفيني شرف الطلب فبدأ يطلب العقيدة والفقه والسيرة حتى أنعم الله عز وچل عليه بعلم وفير طبعاً المده في السجن ممكن يقعدله شهورالى ان يجي دوره في الإعدام،إستمر هذا الولد في حفظ القرءان كاملا عن ظهر قلب كان يقوم به الليل كل أربعة ليالي الموضوع كبر ،كان الأول بيقرأه من المصحف كل سبع أيام دلوقتي بيقرأه بليل كل أربع ليالي يعني في اليوم الواحد حوالي من سبع إلي ثمانية أجزاء هذا رقم كبير جداً، إنك تقرأ سبع أجزاء إلي مايقرب من الخمس ساعات واضح فبالتالي إنت متخيل واحد بيقيم الليل حوالي خمس ساعات ، الشيخ

بيقول كان بيفضل صاحى طول الليل إلا إذا غلبه النوم كان يُصلى طول الليل ولو جاله النوم ينام في مكانه، يصحى يتوضى ويكمل صلاة ده في السجن نحن الان نتكلم أننا تائبين ولا تجد منا من يقيم بحزب حتى لا يقوم نصف ساعه حتى نُصلي العشاء والأخ يصلى ثلاث ركعات شفع ووتر وخلاص لا يعرف شئ من الليل إلا هذه الركيعات التي ركعها بعد صلاة العشاء وعندك الليل طول عشر ساعات وبيكون إثنى عشرة ساعه في بعض الأحيان بيعمل إيه متعرفش بيروح بقا بياكل ، يخش على الفيسبوك بالساعات ، يقعد يلعب بلايستيشن ينزل يتمشى مع الإخوة أو مع غير الإخوة إيه يتفسح يطلع كده يشم هوا ميعملش حاجة خالص يذاكر. أحسن أحواله ويأذن عليه الفجر هو يمكن مصلاش إلا ركعتين بعد العشاء هما اللي عملهم بعد العشاء دول ولا يعرف من الليل شيء ينزل ربنا إلى السماء في الثلث الأخير من الليل وهو لا يطلب شيء ما طلب شيء ولا استغفر ولا يعني أمضى حتى ربع ساعة قبل الفجر يدعو الله ويتوب إليه ويستغفر ما يفكر في هذا هو يسمى نفسه تائب ويعتقد إن هو كده يعنى من الصالحين وأخ وكويس وميه ميه وتمام إخواني الطريق مختلف إحنا عايشين في وهم لأننا نقارن بين أنفسنا وبين الناس اللي هي الإيه ٠٠؟ يعني الكفار والمنافقين وكده لكن أنا بجيبلك واحد أهو من الصالحين وده امبارح كان قاتل أمَّه النهاردة بيقرأ القرءان في أربعة ليالي ويصلى من الليل ما يزيد عن الخمس ساعات فبيقول بقي بعد كده حاله إتغيرتْ وبيقول الشيخ وجهه أنار وإستنار فكان يقول للشيخ كم أنا في شوق إلى ربي؟ قال بيقول يا شيخ إن أعظم يوم في حياتي أنتظر هذا اليوم الذي سيحكم عليّ فيه بالإعدام لأنه يوم لقاء الحبيب يوم الرجوع إلى الغفور الرحيم الذي يغفر الكثير من الزلل ويقبل القليل من العمل وهذا ايضاً مما يُعين الإنسان على التوبة الأشياء اللي تساعدك على التوبه قيام الليل لأن قيام الليل قال فيه النبي عليه الصلاة والسلام هو دأب الصالحين قبلكم وهو مكفره للسيئات منهات عن



مما يُعينك على الطاعة أن تُقارن بين حالتك النفسية أثناء المعصية مما يُعينك على التوبه تُقارن من حالتك النفسيه أثناء المعصية وقبلها وبعدها

وحالتك النفسية أثناء الطاعة وقبلها وبعدها فرق كبير جداً ده الكلام ده بنقوله اللي - يعني هو شخص بيعمل الاتنين جرب دي وجرب ديت شاف ديت وشاف ديت وعارف حالتة النفسية بتبقى إيه ؟هو دايماً في المعصية بيجد قبلها قلق تراب توتر أثناءها برضوا إضطراب وخوف يعني عدم طمأنينة لا تكتمل لذاته أبداً وبعدها ندم وحسرة وأسى وبعد كده يرجع تاني لكنه إذا فعل الطاعة ما يندم عليه أبداً إنها لا يجد إلا الفرح والسرور قبلها فرح أثناءها فرح بعدها يعني يحمد الله تعالى أن وفقه إلي هذا الأمر أشوف بقى الفرق بين الحال دوت و الحال دوت اللي قبل ما يشوف الشيخ كيف كان كئيب حزين كيف هو الآن دلوقتي بيقول نفسي أموت أسعد يوم في حياتي يوم ما أموت الناس دلوقتي بتخاف من ذكر الموت ليه؟ لإنها غير مستعده له لكن هذا الشخص إيه صار أحب الأشياء إليه أن يلقى ملك الموت لأن الموت يا إخواني بالنسبة للصالحين هو بوابة الحياة فالدنيا سجن المؤمن وجنة الكافر فكلما كان الإنسان أقرب إلى الإيمان إزداد شعوره بالسجن فرغب في الحرية وكلما كان أقرب إلى أخلاق الكافرين وصفات المنافقين كان أقرب إلى الشعور بأن الدنيا هي جنة وأن الاخرة يعني نوع من الإيه ؟ من السجن واضح!

فيكره الإنتقال من الدنيا إلى الآخرة ويخاف من ذلك لكن المؤمن كلم كمُّل إيمانه يشعر بالضيق في هذه الدنيا يشعر أنه يعني أن الفرق الفيصل بينه وبين الجنة، بين لقاء الله هو أن يموت بس فهو يتمنى أن يأتيه الموت ينتظر هذه فهو يخاف من الموت ما من أحد منا إلا ويخاف من الموت لكنه يخافه ويحبه معاذ ابن جبل رضي الله عنه لما حضره الموت لقوه بيشاور إلى سقف الغرفه ويقول مرحباً بالموت مرحباً زائراً مغيباً حبيباً جاء على فاقة حبيب جاء على فاقة اللهم إنك تعلم أني ما كنتُ أُحب الدنيا لا لكار الأنهار ولا لغرس الأشجار ولكنني كنت أُحب الدنيا من أجل ظمأ الهواجر وقيام الليالي الطوال ومكابدة العلماء بالرُكب في حلق العلم ثم مات رضى الله عنه وأرضاه ده واحد يكلم ملك الموت شوف اليقين والثقة والثبات العجيب سبحان الله أنا عايز أقولك إن الأحوال دي بتخليك تفرق معاك الحياه اللي بتدلك على التوبة أن ترى ثمرات الطاعة وثمرات المعصية أن ترى ثمار الطاعة من البركة في الوقت البركة في الرزق والسكينة والراحة السعادة محبة الخلق ليك توفيق ربنا ليك تيسير أمورك طمأنينة وأن ترى في حياتك آثار الذنوب لما ترى الضيق فترى تعقيد الأمور وترى بعض الخلق لك في أعينهم بيبان قال بعض السلف إني لأعرف معصيتي في دابتي وفي امرأتي يعني بشوف معصيتي في إمرأتي وفي دابتي لما أبقى كويس بيبقوا كويسين معايا لما أبقي مش كويس أخلاق إمرأتي بتتغير وأخلاق الدابة بتاعتي بتتغير فبعرف إن في مشكلة بيني وبين الله سبحانه وتعالى لذلك قالوا من أصلح سريرته أصلح الله علانيته ومن أصلح ما بينه وبين الله أصلح الله ما بينه وبين الناس المُهم صاحبنا دوت الراجل قعد يبشره بالخير وقال له بعد كده بعد ما ختم القرءان وخلاص قال له أنا حاسس إن أنا هموت الإسبوع دوت بقى له شهور قال له الإسبوع ده هيتحكم على بالإعدام فقال ما تأمرني؟ قال عليك بقول لا إله إلا الله فإنها أفضل الكلام قال ما رأيُّك أن أقول لا إله إلا أنت سُبحانك إني كنت من الظالمين قال أحسنتَ قد

جمعت التهليل والتسبيح والتوبه والندم والإستغفارفي قولك إني كنت من الظالمين قال له إلتزم بها وظلَّ مُلتزم بها من ساعة ما فارق الشيخ يقول لا إله إلا أنت سبحانك إني كنت من الظالمين بيقول اليوم التاني صلوا الفجر ثم سمعوا وقع الأقدام فهم يعلمون ماذا يعني وقع الأقدام يعني أنه هُناك شخص سيؤخذ إلى حبل المشنقة وأول ما وقعت الأقدام وقع في قلب الشيخ إن الشخص ده هو دوت فعلاً الذي سيأخذ بالفعل فتحوا باب الزنزانه وأخذوه وهو ممسك بكتاب الله سبحانه وتعالي سعيد متهلل الوجه يقول لا إله إلا الله إنا لله وإنا إليه راجعون مر على الناس في العنابر يذكرهم بالله ويذكرهم بالتوحيد وبالتوبة ويحثهم على قيام الليل وقراءة القرءان ثم أخذوه إلي حبل المشنقه ذكره الشيخ قبل أن ينتقل هُناك أن يُصلي ركعتين سُنة القتل فصلى ركعتين ثم عرض عليه الظابط الطعام قال له عايز تاكل قال لا إني صائم إني صائم الشيخ يحكي بيقول كان في آخر حياته يصوم يوم ويفطر يوم قال وكان يوم الإعدام وافق اليوم الذي يصوم فيه وهذا من بركة وتوفيق الله سبحانه وتعالى فوافق اليوم اللي اتعدم فيه اليوم اللي هو صايم فيه ثم ودَّع الناس وسلم عليهم وحصل يعني وإنتهى أجله فرحمه الله رحمة واسعة الشيخ يقول ومن فضل الله عليه أنْ رأي أمَّه في المنام قبل أن يموت بأيام وهي تقول يابني إعلم أني راضيةٌ عنك شاف أمَّه في المنام قبل أن يموت بليالي وهي تقول إعلم أني راضيةٌ عنك وهذا من يعني رحمة الله بالعبد إذا تاب أنه يبعث إليه المبشرات التي تُثبته فقد يرى الإنسان منام يُثبته ويُقويه ويُعينه

وهذه القصة تفتح لك باب الرجاء والأمل فإن الرجل قد يعمل زماناً بعمل أهل النار حتى ما يكون بينه وبينها إلا ذراع فيسبق عليه الكتاب فيعمل بعمل أهل الجنة فيدخلها فقال بعض السلف رُب معصية أدخلت صاحبها الجنة ورُب طاعة أدخلت صاحبها النار..

قالوا له إزاي يعني؟ معصية تدخل الجنة وطاعة تدخل النار فقال لهم المعصية أورثت صاحبها

إنكساراً وذلاً فلم يُفارقه إلى أن لقي الله فإذا به يلقى الله وهو عنه راضٍ وكم من طاعةٍ إغتربها صاحبها وأعجب بها فها زال على ذلك حتى لقي الله وهو عليه غضبان لأنه كان معُجباً مُتكبراً لقد مر الرجل على أخيه فقال والله لا يغفر الله لك فقال الله من ذا الذي يتألى على ألا أغفر لفلان قد غفرتُ له وأحبطتُ عملك ليه ؟ لأن هو أخوه مع معصيته كان منكسر وذليل لله وعارف إنه غلطان بدليل إن ماكانش بيرد على أخوه أبداً كل مره كان يسكت بس هو ما كانش بيستجيب بس كان بيسكت لأن هو مش مجادل هو نادم نِفسه يتغير بس لسه ما جاتش الفرصة وأخوه على طاعته لله كان مُعجباً مُتكبراً كان يرى أنه أفضل من أخيه وهذا الذي أهلكه وأورده في الجحيم عِياذاً بالله تعالى قال قد غفرتُ له لأخيك المذنب دوت يعنى سأُوفقه للتوبة وأحبطتُ عملك أيها المُتكبر الذي ينسب العمل إلي نفسه ◄ يحكي الشيخ قصة تانيه جميله بيقول كان في برنامج زمان إسمه المواجهه فاكرينه الشباب بتوع التمنينات والسبعينات برنامج المواجهه مفيش غيره هو مكانش عندنا غير تلات قنوات واحده ملهاش لازمة واتنين بنتفرج عليهم المُهم كان بيجي برنامج هو مفيش غيره الساعة تسعة بالليل هو كل الشعب بيتفرج عليه برنامج المواجهة المُذيع كان قاعد يتحاور مع شابين لابسين زي الإعدام فالمهم بيكلم واحد بيحكي قصته بقى فشوفته في التلفزيون قاعد يبكي بكاء شديد وندمان جداً ويظهر عليه علامات التوبة يقول أُريد أن يُحكم على بالإعدام حتى يغفر لي قاله إنت عملت إيه؟ قال له قتلت طفلين ١٧ طعنه طفلين طخ طخ ١٧ طعنه قتلتهم ليه؟ قاله أنا مش عارف قال له أنا لا أذكر شيئاً وفعلاً لا يذكر شيئاً لأن هو كان تحت تأثير المخدرات والإثنين دول كانوا أولاد جاره هو مش عارف قتلهم ليه؟ هو كان تحت تأثير المخدرات بشكل غير عادي دخل بيت جاره وقعد مسك العيال وقعد يموِّت فيهم بس هو ده اللي حصل! وقعد يبكي كل ما يذكر الموضوع يبكى ويقول أنا مش عايز أتعدم أنا عايز يخدوني في ميدان عام وأبو الولدين

دول هو يموتني بإيده ب١٧ طعنة زي اللي ضربتهم لعياله لكن طبعاً ما فيش الكلام دوت المهم إن هو بيقول ظاهر عليه علامات التوبة يعنى فبيقول له إنت عملت كده ليه؟ قال له معرفش قال له أنا ولد ثري جداً والدي مدِّيني كل حاجة ومش مخليني محتاج حاجة ومن أسرة مرموقة وأنا لا أعرف لماذا فعلت ذلك إني أريد أن يُقام على القصاص عسى الله أن يغفر لي بيقول الشيخ أنا حسيت إن الولد دوت يعني أمارات التوبة ظاهره عليه جداً بيقول لغاية ما ربنا قدر إن أنا أعتقل برضو كالعاده ويدخل سجن الحضارة يقول دخلت سجن الحضارة حطوني برضو في الإيه في الزنزانة بتاعة الإيه؟ بتاعة المحكوم عليهم بالإعدام المهم يومين تلاتة كده هي زنازين كتير فبيقابلوا بعض في الفسحة في الأكل في بتاع فبيقول لقيت الولد دوت قاعد قدامي مرة واحدة قلت له أنا عارفك قال له إنت عارفني منين؟ اول مرة أشوفك قال له إنت فلان ابن فلان اللي حصل لك كذا كذا وأنا شفتك ومش ناسي أبداً دموعك اللي شفتها في التلفزيون فالولد كأنه شاف يعني كنز كبير جداً لما شاف الشيخ وبدأ يسأله يعني عن التوبة وعن يعني هل يمكن ربنا يتوب عليا بعد ما قتلت الطفلين دول المهم الشيخ بيقول له أنا أول ما شفتك حبيتك قال كيف تحبنى؟ وقد فعلت ما فعلت إزاي يعني تحبني؟ المفروض إن إنت تبغضني! فقال يا أخي أما قتلك للطفلين فهو ذنبٌ عظيم ولكن لا تنظر إلى عِظَم الذنب ولكن إنظر إلي سعة رحمة الله ثم حكى له قصة الرجل الذي قتل مائة

وبين له إن ربنا إزاي تاب عليه وحكى له إن يعني إنت أين ذنبك من ذنب هذا الذي قتل مائة واحد إنت قتلت إتنين بس فبدأ يبشره برحمة الله تعالى وقال له إن ربنا إذا أراد الله توبة العبد محفوفة بين توبتين توبة قبل، توبة بعد يعني إيه الكلام دوت؟ يعني ربنا لو أراد عبد الأول بيتوب عليه بعد كده العبد بيتوب وبعد كده ربنا بيقبله قال تعالى

"ثُم تاب عليهم ليتوبوا إن الله هو التواب الرحيم" فقالوا توبة العبد محفوفة بين توبتين من الرب لأنه لا يمكن أنت أن تتوب إلا لو ربنا قدر عليك إن إنت تتوب،ف دي التوبة الأولي اللي ربنا كتبهالك اللي هو قدر إنك إنت تتوب ورضى بذلك وأراد ذلك بعد كده تتوب وربنا يقبل منك زي ما ربنا تاب على ءادم وأوحى إليه بالكلمات قاله قول ربنا إنا ظلمنا أنفسنا وإن لم تغفر لنا وترحمنا لنكونن من الخاسرين فقال ءادم الكلمات فقال الله فتلقي ءادم من ربه كلمات وهي التوبة الأولي فتاب عليه التوبة الثانية لو ربنا ما أرادك ما وفقك لهذه الكلمات ولا هذا الندم ولا هذه الدموع ، قال له أنا كنت أبئس رجل قبل م أشوفك ولما رأيتك أنا الآن أسعد رجل على وجه الأرض فأنت فتحت لي أبواب الرجاء وأبواب الأمل بيقول بعد كده بدأت أحفزه على بعض العبادات وحسيته على أن يُصلي قيام الليل ، بيقول لما رأيته مُجتهد دليته على أن يقوم الليل ب ألف آيه هنا النبي صلى الله عليه وسلم قال "من قام الليل بعشر ءايات لم يكتب من الغافلين ومن قام ب مائه آيه كتب من القانتين ومن قام ب ألف آيه كتب من المقنطرين" (المقنطرين) يعني أصحاب القناطير الهائلة ألف آيه لو بتقرأ من الأول تقرأ ربع القرءان ممكن إلي نهاية الأنعام من ورا لأن الصور قصيره جزء عم وتبارك تجيب ألف آيه يعني أقل حاجه عشان تجيب ألف آية تقرأ جزئين لكن الآيات الطويلة ستقرأ حوالي سبعة أجزاء في ليلة واحده

فبيقول ما من سمع هذه الآيات مني ما مر عليه ليلة إلا وهو يقوم بألف آية تعرف الحديث ده بقالك أد إيه ، وتعرف فضل قيام الليل بقالك أد إيه بقاالك أد إيه في المساجد بقالك أد إيه في المدعوة وبقالك أد إيه حافظ قرءان وممكن تبقي حافظ نصف القرءان فبكم تقوم من الليل الراجل في يوم وليلة قام بألف آية بيقول وكان يحفظ القرءان وكان يتميز بالإيثار كان معاملته لإخوانه في السجن غير عادية واللي يُعينك علي التوبة، الإحسان إلي الناس الإحسان إلي الناس

عند ربنا حاجه كبيره أوي زي الإساءة للناس ما هي كبيره جداً و دايماً باب من الأبواب السريعة في التوبة الإحسان، أحب الأعمال إلى الله سرور تدخله على مسلم تقضى عنه دين ،تفرج عنه كربه ومن الأعمال العظيمة جداً إن ربنا غفر الأمرأة سقتْ كلباً ورجل نحى شجرة عن طريق المؤمنين فشكر الله له وغفر له فأدخله الجنة محتاجين دايماً الأعمال المتعدية في النفع فهي قويه جداً عند ربنا لذلك من الحاجات اللي تخليك تنجز في التوبة إنك بعد ما تتوب تبحث عن الأعمال التي تنفع الغير يعني لا تقتصر في توبتك فقط على الصيام ،القيام ،حفظ القرءان جميل ، لكن ممكن يكون من الطرق السريعة جداً إنك إنت تعمل في الأعمال الخيرية غير إن إنت تتصدق ،مش غير إن إنت تعمل في خدمة الناس سواء إنك إنت تُوزع صدقات سواء إن إنت تسعي لقضاء حوائج الناس سواء إن إنت تُعلم أبناء المسلمين حتى تدخل عليهم السرور بأي شكل الحاجه دي بتنجز معاك ومش كل الناس يقدر على القيام وحفظ القرءان وطلب العلم فأنا عاوز أقول لك أبواب الدين كتير أوي ، واسعة ممكن إن إنت أما تتوب وتكون عاوز حسنات ماحيه يعنى لو أنا قلت لك قيام بس ممكن أضيق عليك، الموضوع كبير وواسع فممكن إن إنت تفتح لنفسك باب تبحث عن باب إنت نشيط فيه بتحبه أو تميل ليه وابتدي إجتهد فيه هتجد إن إنت بتبذل جهد كبير ،صاحبنا ده بقا جمع كله ، كان يقوم الليل بألف آية بحفظ القرءان ويطلب العلم وكان يتصدق بكل مايملك على المساكين أبوه ثرى لما كان يجيله زيارة كان يجبله أكل كتير وهدوم كتير وفلوس كتير في الزيارة الواحدة كان بيكون معاه أموال كتير جداً فأول ما يدخل يقوم مُوزع كل ده علي السُّجناء بيقول ولا يبقى شيئا لا طعام ولا مال ولا شئ وكان يحب كل من في السجن فكان كل من رأه إلا أحبه وكان لا ينام فإن لذة القيام أطابت النوم من عينه وكان يخطب في الناس في عنبر الإعدام ويذكرهم برحمة الله تعالى ويذكرهم بذنوبهم العظيمة في نفس الوقت حتى يعيشوا بين الخوف

وبين الرجاء بين الخوف وبين الرجاء بعد كده بيقول في يوم من الأيام دخل عليا وكان وجهه مشرقا متهللاً شكله غريب النهارده مش طبيعي غير أي يوم حاجة عالية جداً قاله مالك قال أشعر أني سأموت غداً قال له أنا حاسس إن أنا هموت، بكره هتعدم الناس دي مش عارفين المعاد علي فكره هو بيجيلهم مره واحده بيقول هو مش عارف ليه هو بكره الموضوع ده بيبقي إلهام في لا أحد يعلم الغيب وقد يخطأ هذا الإلهام ممكن ربنا يقذف في قلب أحد إنه هيموت قريب جداً بس مش لازم يحصل ،بعض الناس بتعتقد أو بيحس قبليها هذا نادر جداً إن أحد يشعر بهذا ، يَلهم ربنا بعض الصالحين ذلك حتي يعطيهم مهلة للعمل يُلهم في منام أو نحو ذلك كها جاء لبعض السلف في المنام أن الله يأمره بالحج قال إذاً فأحج إن لقاءنا قريب قال فذهب للحج فهات وهو يعود وهو راجع من الحج مات حاجات عاليه أوى من ربنا

إن العبد الصالح يحضره لنفسه يُهيئه للقاء فيُلهمه فيقع في نفسك موقع اليقين إنك هتموت خلاص أو إنك بينك وبين الموت أيام وممكن يلهمك بالمعاد بكره فيبتدي الانسان يعيش مع الإلهام ده كأنه حقيقي ممكن يخطئ الإلهام. الإلهام مش وحي وفعلاً الراجل قاله إنه حاسس إنه سيموت غداً وبدأ يشتد في العمل اليوم ده ويحسن للناس بيقول وأقبل الليل بصمته الطويل الرهيب فإذا لا يقطع صمت هذا الليل إلا صوت هذا الشاب وهو يذكر الله سبحانه وتعالي قعد علي ذلك حتى طلع الفجر ثم قعد للشروق حتى يأخذ أجر الحج والعمرة التامّاتان ، بيقول الراجل الشويش بتاع العنبر كان مشغل أغاني فأنكرعلينا ويعني صرخ فيه قال إتقي الله فان الناس تُصلي الفجر لا تُشوش عليهم لا تُشوش عليهم وكان يأمر بالمعروف وينهى عن المنكر في عنبر الإعدام قال ثم حصل الذي توقعه الفتي سمعنا قرع النعال تدخل إلي عنبر الإعدام وإذا على غرفة هذا الشاب ويأخذونه من يده فتهلل مسروراً فقال الحمد لله لا إله إلا

الله لا إله إلا الله وصار يُسلم على الناس في العنابر وحتى يعني وصل إلي مشنقة أو حبل الحياة كما كانوا يُسمونه في ذلك العنبر وما هي إلا دقائق حتى حكم عليه بالإعدام وإنتهي أمره

→ القصة الثالثة التي يحكيها الشيخ حفظه الله بيقول قصة شابين بين العشرين والثلاثين إرتكبا جريمة تقشعر لها الجلود والأبدان يقول قابلهم برضوا في العنبر دوت فبيقول الاتنين قالوا له بص إحنا مفيش أبشع من الجريمة اللي إحنا عملناها إحنا أصحاب أبشع جريمة تتخيلها في حياتك قال لهم ليه؟ قالوله إن كُنا إتنين يعني نشأنا بين أب وأم كانوا بيفضلوا أخواته عليه اللي هو القاتل يعني هو كان بيعاملهم إيه؟ مُعاملة سيئة يعني فده ترتُّب عليه اللي حصل كله وهذا يدلك إن ممكن يكون الأب هو السبب في إن إبنه يطلع غير سوي إعدلوا بين أولادكم ألا تحبون أن يكونوا لكم في البر إيه؟ في البر سواء؟ بيقول بعد كده بسبب سوء المعامله أروح أشرب مخدرات وأدمنت المخدرات وبعد كده إتجهت إلى السرقة المهم بيقول كان لنا جار غني جداً فقررتُ إن أنا أسرقه أقتله وبعد كده إيه ؟ أسرقه أخش البيت أسرقه بس الأول إيه؟ أقتله بيقول إن أنا إستدرجته أنا وأخويا إستدرجناه وجبناه ودخلناه البيت علشان نقتله وما حدش يحس بينا دي المشكلة التي تؤلمنا إن المغرب أذن قبل ما نقتله على طول هو الراجل ده كان بيحبنا وبيحسن بنا الظن وفاكرنا مدخلينه مثلاً نعزمه على حاجة و لا بتاع بيقول لما أذن المغرب الراجل قال لنا ما تيجي نتوضاً ياخوانا ونصلي إيه؟ المغرب مع بعض جماعة بيقول عجيب إن إحنا إتوضينا وصلينا معاه جماعة بيقولوا ده اللي تاعبنا إن إحنا صلينا معاه والصلاة ما قصرتش فينا خالص الراجل بيصلي بنا إمام وصلينا معاه عادي بعد مصلينا معاه سلمنا خدناه وكتفناه وبعد كده قعدنا نطعنه بالمطاوي ديت يعني طبعاً الولد بيحكي القصة وهو يبكي بكاءً

شديداً فقال له الشيخ أبشر هذا البكاء دليل على أن الله تعالى سير حمك فقال لم؟ قال إن النبي عليه الصلاة والسلام قال (عينان لا تمسهم النار عينٌ بكت من خشية الله وعينٌ باتت تحرص في سبيل الله) خد بالك على فكرة أحاديث البديهيه بالنسبة لك دي اللي إنت عارفها الناس دي مش عارفينها خالص يعنى بالنسبه ليهم أول مرة يسمعوها يعنى حتى في أحد القصص هو بيحكى للناس قصة قاتل مائة نفس الراجل بيقول له الحديث ده صحيح يحكي له يقول لهم الآية دي في القرءان يعني ما تفتكرش إن الحاجات اللي إنت عارفها دي كل الناس عارفاها فأنت لما بتكلم عاصى كلمه بالحاجات العاديه مش بقولك حاجه رهيبه عميقه الآيات البسيطة خالص دي هو مش عارفها أصلا الأحاديث البسيطة خالص بالنسبة لهم حبل طوق نجاه طوق نجاه المهم قاعد يبشره برحمة الله سبحانه وتعالى يعنى يكفكف دموعه المهم الولد بدأ ينتشى ويشعر بالسعادة بيقول لأول مرة في حياتي أبكي بصدق أشعر إن دموعي تغسلني تنظفني تطهر قلبي فقلت له تُب إلى الله واعمل صالحاً وأحسن الظن بالله فإنه يقول (إلا من تاب وءامن وعمل عملاً صالحاً فأولئك يبدل الله سيئاتهم حسنات وكان الله غفوراً رحيما) ثم حثه على قيام الليل لاحظ الموضوع قيام الليل ده شيء مشترك من جميع التائبين النبي عليه الصلاة والسلام قال عليكم (بقيام الليل فإنه دأب الصالحين قبلكم) يعنى ده العادي بتاعهم يعنى لا يوجد أحد من الصالحين إلا وكان له قيام ليل فإذا لم يكن لك قيام ليل فلابد أن تشك أنك من الصالحين لأن النبي عليه الصلاة والسلام بين إن ده العادي بتاع الصالحين ما يوجد رجل صالح إلا وكان له ورد من قيام الإيه ؟ الليل مش ركعتين لا قيام ليل قيام هيقول ده دأب الصالحين وده علامة التائبين أصلاً علامةالتائبين المواظبة على قيام الليل بيقول بقى هو والتاني اللي ساعده ده أخوه اللي ساعده في القتل الإتنين تابوا وده الجميل بقى بيقول فكان يتسابقان إلى الخير والعمل الصالح وكان الاتنين بيعملوا مسابقة وعملوا بينهم مسابقة في حفظ الإيه؟ في حفظ القرءان فحفظوا البقره وآل عمران والنساء بسرعة جداً بسرعة جداً وكل ما يحفظوا سورة كان الشيخ يعني يجلس معهم يراجع معهم فيجد حفظهم يعني على أمتن ما يكون وكانوا بيعملوا مسابقات كل جمعه هم الاتنين وده يعطيك فايده إنك إذا أردت أن تسلك طريق التوبة فعليك بمجالسة التائبين خلي حواليك تائبين زي حالاتك كده ده يساعدك وخلي رفيقك في الطريق واحد زيك نفس الحاله بتاعتك عاوز يتوب؛ إنتو الاتنين تاخدو الطريق مع بعض ملاقتوش يبقي متمشيش مع حد خالص خليك لوحدك وانتفع بقصص السلف دي، إنتفع بمصاحبة شيخ أو عالم لكن أخط شرء إنك في طريق الته بة و تصاحب ناس فاسدين حتى له

لكن أخطر شئ إنك في طريق التوبة وتصاحب ناس فاسدين حتي لو مش بيضروك

واحترموا إنك تائب يكفي إن هما سيشعروك إنك على الخير إن إنت تمام كده يعني مجرد إنت ما تقطع شوط واحد هتحس إن إنت خلاص وصلت إنت بقى في فرق بينك وبينهم كبير فيبتدي كل ما تراهم تشعر بالطمأنينة تشعر إن إنت خلاص وصلت وإنك إنت قطعت أغلب الطريق خلاص لكن مجالسة الصالحين والتائبين تفضل دايع بتحسسك إنك إنت لسه كتير ولسه الخطوات كتير ولسه المراحل يعني كتيرة جداً فالمهم إن هو إيه يعني هو وصاحبه دول قعدوا يتنافسوا المنافسة كبيرة جداً ويقول بدأوا الاتنين يواظبوا على صيام الاثنين والخميس وصاموا شهرين متتابعين كفارة الإيه؟ كفارة القتل كفارة القتل وكانوا الاتنين مدمنين سجاير وبطلوها في يوم واحد يوم واحد بس الشيخ حذرهم وقال لهم إن هي حرام وعرفهم الأدلة وبتاع فقالوا له والله مش هنرجع للسجائر دي أبداً تاني وفي يوم واحد إنتهت قضية السجاير ديت اللي يقعد يقول لك أصل أنا ما أقدرش أبطلها أصل هي في دمي أصل هي في لحمي أصل الموضوع صعب أصل إنت مش عارف يا شيخ أصل إنت مش مجرب أصل إنتم ناس طيبين لا حبيبي كل

حاجة إيه مرت علينا وشفناها وإيه والدنيا دي واضحه يعني إنت مش أول ولا آخر واحد يشرب سجاير ولا يتوب من السجاير وشفنا زيك كتير في حاجات خلصت في يوم وليلة حالات كتير جداً بل أنجح حالات التوبة من السجاير هي اللي خلصت في يوم وليلة أما بقى مسألة إيه طب تتدرج طب واحده واحده طب نقلل شوية طب سيجارتين مش هقدر أقول لك ماشي يعني ما أقدرش أُجيز فعل الإيه؟ المعصيه إنت هتعمل كده إعمل كده على راحتك لكن أنا لا أملك لك إلا أن نقول لك توب الآن الآن قبل الغد فإنك لا تدري متى يأتيك الموت؟ أنجح حالات التوبة هي التي كانت حاسمة وهي دي فعلاً اللي وجدنا فيها معونة من الله سبحانه وتعالي بطلوا السجائر في لحظة واحدة وبعد كده مرت الأيام وجاء برضوا موعد القتل فقال الرجل الحمد لله هذا أسعد يوم في حياتي إنني ذاهبٌّ إلى أرحم الراحمين هذا أسعد يوم في حياة أي إنسان ليس يوم الموت أقصد إنها أنا أقصد يوم أن يشعر الإنسان أن الله تاب عليه قال النبي عليه الصلاة والسلام لكعب بن مالك لما نزلت فيه الآيات قال أبشريا كعب بخيريوم طلع عليك منذ ولدتك أمُك لأنه اليوم الذي قال الله فيه (لقد تاب الله على النبي) وقال (وعلى الثلاثة الذين خلفوا) هذا أسعد يوم في حياة كعب بن مالك يوم اللي ربنا تاب عليه وقد يكون اليوم دوت أنت تشعر به فعلاً يأتيك أحياناً أوقات تشعر فيها إن ربنا تاب عليك دلوقتى النهاردة ربنا تاب عليا تشعر بذلك لأنك تشعر بكل العلامات القبول من خُشوع القلب من لذة الدعاء لذة العباده لذة القرب من الله وإنك تشعر ببُغض شديد جداً للمعصية ما كنتش تشعر بيه قبل كده تشعر بحلاوة الدعاء تشعر بزيادة الإيهان تشعر بطمأنينة وسكينة تحس اليوم ده أنا إتقبلت ما تقدرش تبصم بالعشرة على كده بس تكاد تجزم أن هذا اليوم الذي قَبلني الله تعالى فيه لازم اليوم ده يكون مر على أو شعرت به في يوم من الأيام وإلا فابحث عنه هذا أسعد أيام حياتك هذا يوم ميلادك الحقيقي لأن الإنسان له يومين ميلاد. يوم ميلاد للبدن ويوم ميلاد للروح يوم ولادة البدن فهو معروف وأما يوم أن تولد الروح فهو اليوم الذي عرفت فيه ربك ورجعت فيه إلى الله وسلكت طريق الهداية والإلتزام بعد كده

→ الشيخ بيقول يحكي لنا قصة رجل قتل أباه قتل أباه بيقول أبويا كان من أصحاب الملايين وما كانش مخليني عايز حاجة أبداً كان مدّيني كل شيء يقول لك إنني سلكت سكة المخدرات وكده فأوحى إليه الشيطان أن يقتل أباه وبالفعل فكر وقدر وفعل ما فعل وقتل أباه وبعد كده إلتحق بعنبر الإيه؟ الإعدام فبيقول للشيخ هل يمكن أن يغفر الله لي بعد ماقتلت أبي فقال إن أنت تُبت وأنبت وصدقت قبل الله منك بل بدل السيئات إلي حسنات ثم حكى له قصة الرجل الذي قتل مائة نفس عجيب قوي

ساعات كده في القصة تلاقيها مشتركة دائماً منها قصة الرجل الذي قتل مائة نفس هذا رجل عجيب رجل عجيب هذا الرجل آية من آيات الله سبحانه وتعالى بين عشية وضحاها تحول من قاتل مائة نفس إلى قدوة للعالمين ولم يعمل عملاً صالح واحداً ولم يسجد لله سجدة ولم يصم لله يوم ولكنه صار قدوة بالصدق وقدوة لطهارة القلب وللصدق الحقيقي في طلب التوبة فإنه لم يعمل لله إلا خطوات صارها بين المدينة الأولى إلى المدينة الثانية مع العزم أنه سيكون من التائبين إختصمت فيه ملائكة الرحمة وملائكة العذاب قالت ملائكة العذاب لم يعمل خيراً قط قالت ملائكة الرحمة جاء تائباً منيباً إلى الله جل وعلا فأرسل إليهم الله ملكاً يقيس ما بين الأرضين ليري أيتها كان أقرب فهو لها فقاسوا ما بين الأرضين فكان أقرب إلى الأرض التي أراد بشبر فدخل الجنة فصار قدوة للعالمين ما من أحد أذنب ذنباً إلا وقصة قاتل مائة نفس تفتح له أبواب

الرجاء إن أنت بتتكلم عن واحد عمل أكبر ذنب تتخيله وفي نفس الوقت توبتهم كانت مجرد دقائق معدودة تقريباً يعني هو ما عملش حاجة لسه ملهاش حاجة خالص فمجرد صدق مع الله بس وصار في الطريق مات فدخل الجنة كل حاجة خِلصت فعمل عمل محدود قصاد ذنب ضخم جداً فها بالك وذنبك أقل من ذنبه وإنت قد عملت ما لم يعمل له هذا الرجل الإيه؟ هذا الرجل الذي قتل مائة نفس فعجيب جدا أُنظر إلى كم الأجور التي حصلها الرجل الذي قتل مائة نفس كم فتح باباً للرجاء للناس؟ وكم تاب بسبب قصته أناس وكم كان سبباً في زوال اليأس من أناس أدمنوا المعاصى وأسرفوا على أنفسهم فسبحان الله. الله تعالى له في خلقه شئون ممكن إنسان يا إخواني يعنى هو الراجل القاتل مائة نفسه ما يعرفش إن إحنا بنتكلم عنه دلوقتي ولا يعرف حصل إيه بعد ما مات ولا يعرف إن في النبي عليه الصلاة والسلام حكى قصته للناس ما يعرف هذه الأشياء فأنت لا تدري أي عمل سيبارك لك فيه محن تعمل عمل كده إنت أصلاً نسيته و لا فاكره بتقول كلمة لا تدري أين تبلغ كلمة كده رمتها وخلاص الأعجب من اللي قاتل مائة نفس العالم اللي دلو على الإيه؟ على التوبة ده أكتر واحد إيه واحد من مية ألف واحد بيسألني كل يوم بيسألني ناس واحد دخل عليا قالي قتلت مية نفس قالوالي توبة؟ قالو لك توبة بس هو ده اللي عملوا إذهب إلى الأرض كذا وكذا بس ميعرفش عنه حاجه يعنى هو العالم ده نفسه ميعرفش صاحبنا ده راح فين ولا مات ولا دخل الجنة واحد من ضمن ناس بقابلهم لذلك عايز أقول لك لما أنت تسير في الطريق الطريق إلى الله ما تعرفش ربنا هيبارك لك في أنهى كلمة أنهى عمل أنهى ليلة اللي ربنا قابلها أنهى إستغفار لربنا قبل منك أنهى كلمة كانت سبب هداية الناس أنهى يوم وقفت مع مين كلمت كام واحد مين فيهم بقي إيه إنت متعرفش ممكن إنت تدعو ألف واحد ميستجبش خالص تقف تكلم واحد خمس دقايق الشخص ده لو دخل في ميزان حسناتك بس يدخلك الفردوس

الأعلى فلذلك (لا تحقرن من المعروف شيئاً) فلعل المعروف الصغير اللي إنت عملته ده هو ده هو ده اللي إتقبل؛ تنحي شئ عن طريق المسلمين؛ تسقي كلب؛ أمور ما يتخيل إنسان أن تبلغ ما بلغت، العالم ده ما يعرفش إن قصته إن هو قدوة وإن هو الحقيقة بطل قصة قاتل مائة نفسه مش قاتل مائة النفس هو البطل هو اللي فتح له الباب لو كان قاتل مائة نفس كل ما بيقابل واحد كان بيقول له ليس لك توبة كان مات على ذلك وقتل المائة والمتين لكن هو ده اللي فتح له الباب هو ده بطل القصة الحقيقي ولا هو يعرف ولا القاتل إن إحنا بنتكلم عنهم النهاردة فعمل واحد صدق مع الله سبحانه وتعالى فإنك لا تدري أي العمل سيُقبل عند الله غداً المهم إنه بدأ يحكي له بقى عن قصص زي كده كتير ويفتح له الأبواب وبعد كده دله على حفظ القرءان وقالك ده قاتل أبيه زي الأم قال له إنت تحفظ القرءان تحفظ القرءان تكسو والداك تاج الوقار وحلة الكرامة وقعد معه وقال له إيه الأحاديث؟ فرح جداً الراجل بدأ فعلاً يحفظ القرءان قال وظل يحفظ حتى ختم القرءان إيه ده تحس إن بردو فيه عامل مشترك بينهم كلهم هو حفظ القرءان تائب لا يحفظ القرءان كيف يكون هذا

جاء رجل إلى الشيخ قال أُريد أن أطلب العلم قال هل تحفظ القرءان يا فتى؟ قال لا قال واعجباه لطالبٍ لا يحفظ القرءان فأخبرني يا فتى بأي شيءٍ تتنعم أنت وبأي شيءٍ تترنم وبأي شيءٍ تناجي ربك

إنت شغال إزاي إنت عايش إزاي إنت جاي تعمل إيه إنت جاي تعمل إيه إنت ما بتحفظش القرءان جاي تعمل إيه إنت مبتحفظش قرءان ، جي تعمل إيه جاي تطلب علم والعلم كله في القرءان لو ما بدأتش حفظ القرءان ما إنت بتضيع وقتك بداية الطريق تحفظ القرءان صلاح القلب حفظ القرءان غسيل الذنوب في حفظ القرءان تبديل كل اللي في قلبك من شبهات



وشهوات وإحلال مكانها الطمأنينة والسكينة واليقين حفظ القرءان الراجل حفظ القرءانكله بعد كده هو شاف أبوه وأمّه في المنام كان في الوقت ده قبل الرؤية دي كان حافظ إتنين وعشرين إتنين وعشرين إيه؟ جزء شاف أبوه وأمّه في المنام يقول لي الشيخ رأيتهما في المنام كأنهما عروسين يزفان وبعد كده شافوني فرحوا بيا جداً وأبويا فرح بيا لما شافني فقال يا بني إننا بيننا وبين الزفاف ثهانية أشهر هل يا شيخ يعني إيه الكلام ده؟ قال بقي لك كم بقي لك على القرءان؟ قال ثهانية أجزاء قال هذه هي الثهانية قال له خلص بقى شد حيلك قال له أول ما تخلص هتحضر الزفاف إن شاء الله وبالفعل الولد إجتهد جداً حتى ختم القرءان وكان بعد ذلك يختمه في قيام الليل فلا يمر عليه الأسبوع إلا وقد ختم القرءان غيباً في قيام الليل وكان يُذكر الناس بالله سبحانه وتعالى وكان حريصاً جداً علي الصيام وكان يكثر من تعليم الناس القرءان ثم بعد ذلك جاء الموعد ومات ولحق بالرفيق الأعلي فرحمه الله رحمةً واسعة

لعلنا نختم بإيه بهذه القصة وهي قصة الرجل صاحب الإعدامات الثلاثة ده بقى واحد قتل تلاتة وحكم عليه كل مرة بالإعدام كان غيباً وبعد كده يتمسك في آخر مرة فبيقول ما من ذنب إلا فعلته ما فيش حاجه غلط ما عملتهاش كنت أشرب الخمر وأزني وأظلم الناس وأقطع الطريق وأسرق بالإكراه حتى قتلت ثلاث وأنا أسرقهم في تلاتة اضطريت إن أنا إيه أقتلهم وأنا أسرقهم قال فقرأت في القرءان أعد له عذاباً عظيها قال كيف أنجو ؟ أيها الشيخ قال هذا هذه الآية في غير التائب أما الذي تاب فإن الله يتوب عليه ولو قتل أهل الأرض جميعاً فإن الله تعالى "قال والذين لا يدعون مع الله إله آخر ولا يقتلون النفس التي حرم الله إلا بالحق ولا يزنون ومن يفعل ذلك" أي يشرك ويقتل ويزني "يلقي آثاما يضاعف له العذاب يوم القيامة ويخلد فيه مهانا يفعل ذلك" أي يشرك ويقتل ويزني "يلقي آثاما يضاعف له العذاب يوم القيامة ويخلد فيه مهانا

إلا من تاب وءامن وعمل صالحا "فدل ذلك على أنه إن يجمع بين الشرك و القتل و الزنا ثم تاب فإن الله سبحانه وتعالي يتوب عليه يتوب عليه بعد كده بقى أرشده برضوا إلي العمل الصالح وإلى حفظ القرءان وإلى القيام بهذا القرءان قال فكان يحفظ القرءان وكان من أندى الناس صوتاً وكان صوته عذبًا بالقرءان وكان من سمعه يحسبه من أتقى الأتقياء ويظن أنه يخشى الله سبحانه وتعالى وكان يُوقظ المساجين في العنابر ليقوموا من الليل وكان يتصدق بكل شيء حتى أنه في ليلةٍ باردةٍ تصدق بثيابه للناس وتحمَّل هو البرد الشديد وفي يوم من الأيام أقبل على الشيخ وقال ما أشوقني لِلقاء ربي أرحم الراحمين متى يأتي اليوم الذي ألقى فيه الله سبحانه وتعالى وما كان يدري أن اليوم بينه وبينه ساعات قليلة في الصباح الباكر دخلوا عليه وأخذوا فصار معهم كأنه شخص يزف إلى عروسه فكان يُسلم علينا ويقول لا إله إلا الله كان مداوماً على الصيام الثالث عشر والرابع عشر والخامس عشر من كل شهر فلم جاءوه. جاءوه في يوم الرابع عشر ومات على ذلك رحمه الله رحمه واسعه عايز أقول إن أنا أحياناً بحسد هؤلاء التائبين المحكوم عليهم بالإعدام الناس اللي محكوم عليها بالإعدام كثير منهم يتوب إلى الله فعلاً وأنا بحسدهم ليه؟ لأن دول تقريباً عرفوا هيموتوا إمتى تقريباً خلاص هو متوقع إن هو خلاص يعني لو مش النهاردة هيبقي بكره سواء ما بين شهر ما بين أيام ما بين إسبوع سيموت ولابس البدله الحمرا يعني ما في تذكرة أكثر من ذلك فبيبادر ويسارع وكما رأتهم في القصص كيف كان الواحد فيهم يختم القرءان ويقوم من الليل ويتصدق

لكن المشكلة إن إحنا كلنا مش حاسين إن إحنا عايشين في غرفة إعدام كبيره الغرفة دي مكتوب عليها إنك ميت وإنهم ميتون إتحكم علينا بالإعدام كلنا وإحنا مستنين كل واحد هيتنفذ عليه الحكم متى؟! بس كل نفس ذائقة الموت. كل شيء هالك إلا وجهه. فكُلنا



إتحكم علينا بالإعدام في قدر الله السابق ولكن كلنا ننتظر متى يأتي أحدنا ملك الموت الناس دي كانوا عارفين إن السجَّان داخل عليهم وكانوا بيسمعوا طرَّق نعال وهو داخل وبياخودهم وبيقولوا له توب وقل الشهادتين صلي ركعتين نفسك في حاجة نفسك تعمل حاجة وبعد كده يموتوه لكن الذي ننتظره نحن لا يطرق الأبواب ليس له قرَّع نعال لا يعطيك مهلة

لا يسألك ماذا تريد ماذا تحب أن تفعل إنها يأتي بغتة (حتى إذا جاء أحدهم الموت قال رب ارجعون لعلي أعمل صالحاً فيها تركت كلا إنها كلمة هو قائلها ومن ورائهم برزخٌ إلى يوم يبعثون)

(حتى إذا جاءتهم رسلنا يتوفونهم قالوا أينها كنتم تدعون من دون الله قالوا ضلوا عنا وشهدوا على أنفسهم أنهم كانوا كافرين)الموت يأتي بغتة لا يستأذن لا يترك الأبواب الحل إن إحنا كُلنا نلبس البدله الحمره مش بدلة مادية بدلة معنوية البدلة المعنوية دي هي قول النبي عليه الصلاة والسلام (أكثروا من ذكر هادم اللذات) لو إنت ما عشتش مود إنك إنت محكوم عليك بالإعدام وإن إنت مستني السجّان يُخش في أي وقت السجان ده وملك الموت مستني في أي لحظة إن يتنادى عليك صدقني قد لا تنجو والنجاة فقط في اللي عاش القصة ديت لو عشتها بجد هيبان عليك محتاج لنفسك حريص على العبادة والدعوة إلى الله حريص إنك تلاقي كلامك وتخلي بالك ولو أذنبت بتسارع جداً للتوبة لإنك عارف إن الموضوع أكبر عما تتخيل سارعوا إلي مغفرة سابقوا إلي مغفرة بادروا بالأعمال هل تنتظرون إلا موتاً مفنداً ماذا تنتظر أنت ملك الموت

كل يوم ياخد مننا واحد مشكلة إن الحي دايماً فاكر نفسه أكيد أنا آخر واحد أكيد مش هيعدي عليا الدور ولا يفيق المسكين إلا في القبر هو في عِداد الأموات

فأنت اليوم هُناك عمل ولاحساب وغداً حساب ولا عمل فالإفاقة في أن تعيش أنك ميت اليوم أو غداً فمن لم يستحضر هذا المشهد أسرف على نفسه أن يلقى الله ومن عاش في هذا المشهد نجا بفضل الله سبحانه وتعالى هذه قصة التوبة وقصص التائبين كيف أن الله سبحانه وتعالى تعرف ربك في هذه القصص بأنه واسع المغفرة بأنه الحليم لو أراد سبحانه وتعالى أن يعجل لهؤلاء بالعقوبة لفعل ولكنه أمهلهم حتى تابوا الستير لو شاء لفضحهم على رؤوس الخلائق ولكنه يستر ويعفو الكريم لأنه يُساء إليه فها أن تعتذر إليه حتى يقبل ويحسن يعنى المفترض يقبل خلاص إنت اتقبلت عايز إيه تاني لا ده يقبل ويحسن إليك سبحانه وتعالى تعرف إسمه القديرالعزيز الذي لا يغلبه أحدوأن الأمور والقلوب بيده سبحانه وتعالى ليه كلنا بنعوز نتوب بس ما بنتوبش لأن القلوب ليست بأيدينا بيد الله سبحانه وتعالى فأن يأتي الوقت الذي يشاءه الله فإنه يقدر علينا التوبة فالإنسان يعرف ربه من خلال التوبة بأنه العزيز القدير الحليم الستير الكريم الغفار فنسأل الله سبحانه وتعالى أن يقبل منا ومنكم صالح الأعمال وأن يُوفقنا إلى توبة عاجلة قبل الموت أقول قولي هذا وأستغفر الله العظيم لي ولكم.

